

四庫全書

集部

欽定四庫全書

石倉歷代詩選卷一百五十一

明 曹學佺 編

宋詩二十八

蘇轍

次韻子瞻太白山下早行題崇壽院

山下晨光晚林梢滴片冰
峯門斜見月野市早明燈
樹暗猶藏鵲堂開已饌僧
據鞍應夢我聯騎昔時曾

木山引水

引水穿墻接竹梢，谷藏峯底大容瓢。
將流旋滴廬山瀑，已盡還來海上潮。
亂點落池驚睡覺，半間含潤沃心焦。
瓦盆一斛何勝滿，溢去猶能浸菊苗。

送道士楊見素南遊

黃河春漲入隨溝，注意滄波日夜流。
萬里尋山如野鶴，一身浮水似輕鷗。
湖風送客那論驛，嶽寺留人暗度秋。
遲子北歸來見我，攜琴委曲記深幽。

和子瞻金山

長江欲盡濶無邊金山當中石一拳潮平風靜日浮席
縹緲樓臺轉金碧瓜洲初見石頭城城下波濤與海平
中流轉拖疑無岸泊舟未定僧先迎山中岑寂恐未足
復將江水遠山麓四無鄰家羣動喧鐘聲鏗鎗答山谷
誰知江海多行舟遊人上下奪巖幽老僧雖爾身陪侍
眼慣浮雲心不二朝遊未厭夜未歸愛山如此如公稀
不待遊人盡歸去恐公未識山中趣

賦黃鶴樓贈李公擇

前年見君河之浦東風吹河沙似霧北潭楊柳強知春
樽酒相攜終日語君家東南風氣清謫官河壩不稱情
一麾夏口亦何有高樓黃鶴慰平生荆江洞庭春浪起
漢沔初來入江水岸頭南北不相知惟見風濤湧天地
巫峽瀟湘萬里船中流鼓楫四茫然高城枕山望如帶
華櫳照日光流澗樓上騷人多古意坐忘朝市無窮事
誰道武昌岸下魚不如建業城邊水

次韻子瞻雨中督役夜宿水陸寺

雲氣連山雨瀉盆
亟投僧舍欲闔門
暫時灑掃寬行役
終夕崎嶇入夢魂
煩熱暗消秋簟冷
烝濡未解夜燈昏
二年遊宦多勞苦
何日相從得細論

癸丑二月重到汝陰寄子瞻

憶赴錢塘九月初
同來潁尾一扁舟
退居尚有三師在
好事須為十日留
傾瀉向人懷抱盡
忠誠為國始終憂
重來東閣皆塵土
淚滴春風自不收

其二

百頃西湖十里源近依城郭帶川原古臺駢駢先臨水
野寺參差半掩門遠泛便成終日醉幽尋不盡數家園
錢塘未到能先說更著青山兩岸昏

次韻子瞻新城道中

春深溪路少人行時聽田間耒耜聲饑就野農分餉黍
喧嫌尉卒有逢迎閒花開盡香仍在白酒沽來壓未清
此味暫時猶覺勝問凡何日便歸耕

次韻子瞻遊富陽普照寺

塵埃日已遠，抖擻更無餘。寺到逢門入，詩成信手書。山深僧自樂，路遠客終踈。訪盡前朝景，他年一告余。

次韻子瞻自普照入山獨遊二庵

披榛入山，山路細。鐘聲出寺門，將閉石苔冉冉上芒鞋。草露溥溥著衣袂，野人茅茨苦竹屋，終身局促無生計。天公未省長困人，春田米盡秋田繼。老妻稚子亦自樂，野草山花還挿髻。長笑人間醉未醒，終老辛勤漫欺世。

次韻范景仁侍郎移竹

雙檜生南戶叢筠種北牆交陰奉君子為伴老中堂露
洗秋堦綠風含夏簟涼栽花知己誤新上一番霜

次韻子瞻賦雪

麥苗出土正纖纖春早寒官令尚嚴雲覆南山初半嶺
風乾東海盡成鹽來時瞬息平吞野積久歛危欲敗簷
強付酒樽判醉熟更尋詩句鬪新尖

初入南山

自我來濟南經年未嘗出不知西城外有路通石壁初
行澗谷淺漸遠峯巒積翠屏互舒卷耕耨隨欹側雲木
攢山阿逆旅時百室久遊自多念忽悟向所歷嘉陵萬
壑底棧道百迴屈崖巘遞崢嶸征夫時出沒行李雖云
艱幽邃亦已劇坐緣斗升米被此塵土厄何年道褒斜
長嘯理輕策

四禪寺

山蹊容車箱深入遂有得古寺依巖根連峯轉相揖樵

蘇草木盡佛事亦蕭瑟居僧麋鹿人對客但羞澀雙碑
立風雨八分存法則云昔義靖師萬里窮西域華嚴貝
多紙歸來手親譯蛻骨儼未移至今存石室遺文盡法
界廣大色萬億變化浩難名丹青畫京邑粲然共一理
眩晃莫有識末法漸衰微徒使真人泣

靈巖寺

青山何重重行盡土囊底巖高日氣薄秀色如新洗入
門塵慮息盥漱得清泚高堂見真人不覺首自稽祖師

古禪伯荆棘昔親啟人跡尚蕭條豺狼夜相舐白鶴導
清泉甘芳勝醇醴聲鳴青龍口光照白石陞尚可滿畦
塍豈惟濯蔬米居僧三百人飲食安四體一念但清涼
四方盡兄弟何言庇華屋食苦當如薺

巽堂

山前三秦道車馬未遑息日出紅塵生不見青山色峯
巒未嘗改徃意自奔迫誰言幽堂居近在使者宅俯聽
辨江聲却立睨石壁藤蘿自太古松竹列新植暑簟卧

清風寒樽對佳客試問東行人誰能同此適

山齋

平地厭喧囂虛齋上山足蕭條遠城市坡陀富林麓簡
書日填委杖屨每幽獨豈無山中士高卧白茅屋逢人
默無語長嘯響巖谷此室庶可招夜月相從宿

閒燕亭

登山稍已高曠望良亦遠危亭在山腹物景行自變諸
峯宿露收草木朝陽絢益益雲出山溜溜泉垂坂徐行

得佳處永日遂忘返此樂只自知傍人任嫵懶

會景亭

亭高衆山下勝勢不自收岡巒向眼盡風籟與耳謀
飛半嶺息雲起當空遊視身如乘風超然忘百憂
暮歸室中居惟見窻戶幽視聽隨物變恍誰識其由

蓼與

風高蓮欲衰霜重蓼初發會使此池中秋芳未嘗歇

霜筠亭

林高日氣薄竹色淨如水寂歷斷人聲時有鳴禽起

溪光亭

溪亭新雨餘秋色明滉漾鳥渡夕陽中魚行白石上

菡萏軒

開花濁水中抱性一何潔朱檻月明時清香為誰發

陪子瞻遊百步洪

城東泗水平如席城頭遠山涵落日輕舟鳴榔自生風
渺渺江湖動顏色中洲過盡石縱橫南去清波頭盡白

岸邊怪狀如牛馬，銜尾舳艫誰敢下。
没人出沒須臾間，却立沙頭手足乾。
客舟一葉久未上，吳牛回首良間關。
風波蕩潏未可觸，歸來何事常艱難。
樓中吹角暮烟起，出城騎火催君還。

同子瞻泛汴泗得漁酒

江湖性終在平地，難久居淥水雨新漲。
扁舟意自如河身，縈匹素洪口轉千車。
願言棄城市長竿，夜獨漁。

李邦直出巡青州，余不久將赴南都，比歸不及。

見矣作詩贈別

東道初來託故人南樓頻上泗河濬江山尚有留賢意
樽俎寧當厭客頻顧我及秋行不久問君驅熱道何因
西歸涼冷霜風後濁酒清詩誰與親

送顏復赴闕

簞瓢未改安貧性冕釋猶傳直道餘不見失官愁感感
但聞高卧起徐徐居中舊厭軍容講補外仍遭城旦書
此去將身置何許秋風未免憶鱸魚

逍遙堂會宿

逍遙堂後千尋木長送中宵風雨聲
誤喜對牀尋舊約不知漂泊在彭城

其二

秋來東閣涼如水客去山公醉似泥
困卧北窻呼不起風吹松竹雨淒淒

呂希道少卿松局圖

溪回山石間蒼松立四五水深不可涉
上有橫橋渡溪

外無居人磐石平可住縱橫遠山出隱見雲日暮下有
四老人對局不回顧石泉雜風松入耳如暴雨不聞人
世喧自得山中趣何人昔相遇圖畫入紈素塵埃依古
壁永日奉樽俎隱居畏人知好事竟相誤我來再三嘆
空有飛鴻慕逝將從之遊不惜爛樵斧

次韻張恕春暮

祇言城市無佳趣亦有南湖幾度遊好雨晴時三月盡
啼鶯歇處落花愁老猿好飲常連臂野馬依人自絡頭

不許低回池上醉試看生滅水中漚

次韻王鞏見寄

日永官閒自在慵門前客到未曾通
憐君避世都門裡勸我忘憂酒盞中
城下柳陰新過雨湖邊荷葉自翻風
早須命駕追清賞大字新詩事事工

同李倅鈞訪趙嗣恭留飲南園晚衙先歸

城南高樓出喬木下有方塘秋水足
新霜未變草木鮮晚日旋催梨棗熟
雨荒松菊半榛蕪風老菰蒲初瑟縮

卷一百五十一
門前大路多塵土日中過客無留轂開門却埽如有待
下馬升堂真不速勸我一振衣上塵臨風共倒樽中綠
令人更愧東宮師眷戀溪山棄華屋

送李鈞郎中

君家毗陵本江南雖為浙西終未甘風流秀發自不減
氣質渾樸猶中含敲榜滿前但長嘯簿書堆案常清談
湖中往往載畫舫竹下小小開茅庵歌吟髣髴類騷雅
導引委曲師彭聃新茶潑乳睡方覺綠酒傾杯酌復酣

一朝揮手去不顧使我把袂心難堪扁舟水涸費牽挽
瘦馬雪凍憂朝參一官來往似秋燕薄俸已裹如春蠶
東南乞麾尚可得白首誰念家無甌

春日耕者

陽氣先從土脉知老農宵起飼牛饑雨深一尺春耕早
日出三竿曉餉遲婦子同來偏嫵媚烏鳶飛下巧追隨
紛紜政令曾何補要取終年風雨時

自柘城還府上馬

春色無人見茲行偶衆先
柳黃新過雨麥綠稍鋪田
河潤兼冰散禽聲向日圓
城池高受霧淮渙暖生烟
送客情初惡還家意稍便
旋聞天事起已過佛燈燃
簿領何時畢塵埃空自憐
南湖漸可到早治木蘭船

方沼亭

池上茅簷覆水低
早來秋雨尚虹霓
霓敗荷折葦飛鴻下
正憶漁舟泊故溪

翠樾亭

一夜飛霜點綠苔
曉庭黃葉掃成堆
簷間翠樾彫疎盡
却放牆東好月來

次韻毛君山房即事

案牘稀疏意自閒
夜闌幽夢曉方回
青苔紅葉騷人事
時見詩筒去又來

其二

蛩知秋候時鳴壁
香礙蒲簾不出門
隱几無言心自得
南窻晴日暖侵軒

其三

禽哢秋來不復圓
桐陰霜後亦成穿
黃花強欲招酣飲
白髮偏工報老年

其四

觸事隨緣不用多
華堂玉食奈憂何
美人未厭山阿陋
薜荔為裳帶女蘿

再和

歌舞留賓意自多
華燈數問夜如何
白頭病客無才思

慣卧茅簷長薜蘿

遊鐘山

江南四月如三伏北望鐘山萬松碧杖藜試上寶公龕
衆壑秋聲起相襲青峰回抱石城小白練前橫大江直
石梯南下俯城闔松徑東蟠轉山谷喬林無風聲如雨
時見遊僧石上息行窮碧澗一庵巖坐弄清泉八功德
歸尋晚飯衆山底困卧定林依石壁朝遊不知澗谷遠
暮歸但覺穿雙屐老僧一身泉上住十年掃盡人間迹

客到惟燒栢子香
晨饑坐待山前粥
丈夫濟時誠妄語
白首居山本良策
茹蔬飯糗何足道
純灰洗心聊自滌
失身處世足愆尤
愧爾山僧少憂責

送姜司馬

七歲立談明主前
江湖晚節弄漁船
鬪鷄誰識城東老
喪馬方知塞上賢
生計未成歸去詠
草書時發醉中顏
當年不解看齊物
氣湧如山誰見憐

次韻陳師仲主簿見寄

朽株難刻畫枯葉任凋零舊友頻相問村醪獨未醒山
芽收細茗江實得流萍頗似申屠子都忘足被刑

和王鞏見寄

南遷春及秋江湖未云半逮此歸路長始悟行日遠幽
憂脫沈痼清夢驚婉婉行行逢故人笑語雜悲泣

其二

江秋北風多歸帆未應駛天寒鴈南向家書空滿紙契
濶幸安平婚嫁須纓珥交遊何為者空復念君至

復次王鞏韻

滕王閣在誰攜手徐孺湖寬可放情楚客解書南國恨
秦箏助發上林鶯繫匏獨負杯中物擁鼻知逢洛下生
問得長鬚添夢想蓬窻燈火達天明

除夜

老去不自覺歲除空一驚深知無得喪久已罷經營黃
卷譏前失清樽借後生何年遂踈懶伏臘任躬耕

上元夜

新春收積雨明月澹微雲照水疎燈出因風遠樂聞天
涯仍有節人事竟何分薄宦真拘束何時一醉醺

次韻王適上元夜

宿雨初乾試火城端居無計伴遊行厭看門外繁星動
想見僧窻一點明老罷逢春無樂事夢回孤枕有鄉情
重因佳句思樊口一紙家書百鎰輕

王子立與遲等遊陳家園橋敗幾不成行晚自

酒務往見之明日雨作偶爾成詠

桃李城東近不遙，偶聞花發喜相邀。
斷橋似欲妨佳思，好雨猶能借此朝。
隨分開樽依綠竹，偶然信馬及餘瓢。
重來莫道無閒暇，紫燕黃鸝日漸嬌。

曾子固舍人挽詞

少年漂泊馬光祿，末路騫騰朱會稽。
儒術遠追齊稷下，文詞近比漢京西。
平生碑版無容繼，此日銘詩誰為題。
試數廬陵門下士，十年零落曉星低。

初到績溪聽事三日出城南謁二祠遊石照偶

成呈諸同官

行年五十治丘民初學催科愧廟神無限青山不容隱
却拚黃卷自憐貧雨餘嶺上雲披絮石淺溪頭水感鱗
指點縣城如掌大門前五柳正搖春

石門南出衆山顛沃壤清溪自一川老令舊諳田事樂
春耕正及雨晴天可憐鞭撻終無補早向叢祠乞有年
歸告仇梅省文字麥苗含穗任蠶眠

題都昌清隱禪院

北風江上落潮痕，恨不乘舟便到門。
樓觀飛翔山斷際，松筠陰翳水來源。
升堂猿鳥晨窺坐，乞食帆檣暮遶村。
誰道谿巖許深處，一番行草認元昆。

豁然亭

南看城市北看山，每到令人意豁然。
碧瓦千家新過雨，青松萬壑正生烟。
經秋臥病聞斤響，此日登臨負酒船。
徑請諸君作佳句，壁間題我此詩先。

題王詵都尉設色山卷後

還君橫卷空長歎問我何年便退休欲借巖阿著茅屋
還當溪口泊漁舟經心蜀道雲生足上馬胡天雪滿裘
萬里還朝徑歸去江湖浩蕩一輕鷗

贈知雄州王崇拯

趙北燕南古戰場何年千里作方塘烟波坐覺邊塵遠
皮幣遙知國計長勝處舊聞荷覆水此行猶及蟹經霜
使君約我南來飲人日河橋柳正黃

古北口道中呈同事

獨臥繩牀已七年
往來殊復少情緣
魂歸故國鳥飛處
身在中原山盡邊
梁市朝回塵滿馬
蜀江春近水浮天
枉將眼界疑心界
誰信逍遙物外篇

與趙侍郎二副使

笑語相從正四人
不須嗟歎久離羣
及春煮菜過邊郡
賜火煎茶約細君
日暖山蹊冬未雪
寒生胡月夜無雲
明朝對飲思鄉嶺
夷漢封疆自此分

過楊無敵廟

行祠寂寞寄關門野草猶知避血痕一敗可憐非戰罪
太剛嗟獨畏人言馳驅本為中原役嘗享能令異域尊
我欲比君周子隱誅彤聊足慰忠魂

會仙館

北嶂南屏恰四周西山微缺放江流胡人置酒留連客
頗識峯巒是勝遊

惠州

孤城千室閉重圍蒼莽平川絕四鄰漢使塵來空極目

沙場雪重欲無春，羞歸應有李都尉。
念舊可憐徐舍人，會逐單于渭橋下。
歡呼齊拜屬車塵。

十日南歸馬上口占呈同事

南轅初喜去龍庭，入塞猶須閱月行。
漢馬亦知歸意速，朝暘已作故人迎。
經冬舞雪長相避，屈指新春旋復生。
想見雄州饋生菜，辛盤酪粥任縱橫。

春日寄內

春到燕山冰亦消，歸驂迎日喜嫖姚。
久行邊地生華髮。

初試東風脫弊貂，插髻小帽應正爾。
點盤生菜為誰挑，附書勤掃東園雪。
到日青梅未滿條。

渡桑乾

北渡桑乾冰欲結，心畏穹廬三尺雪。
南渡桑乾風始和，冰開易水應生波。
穹廬雪落我未到，到時堅白如盤陀。
會同出入凡十日，無惡草具不可食。
羊脩乳粥差，使人風隧沙場不宜客。
相攜走馬渡桑乾，旌旆一返如招魂。
北人送客不忍去，久安和好依中原。
年年相送桑乾上。

欲話白溝一惆悵

石倉歷代詩選卷一百五十一

欽定四庫全書

石倉歷代詩選卷一百五十二

明 曹學佺 編

宋詩二十九

黃庭堅

次韻曾子開舍人遊籍田載荷花歸肇

維王調玉燭時夏雨我田壁挂蒼龍骨溜渠故濺濺三
推勸根本百穀收早堅官司極齋明崇丘見升烟繫馬

西門柳憶聽去夏蟬剥茨珠走盤釣魚柳貫鮮掃堂延
枕簟公子氣翩翩自爾欲繼往心阻如壅泉紫微樂暇
日披襟詠風漣紅粧倚荷蓋水鏡寫明蠲珠宮紫貝闕
足此水府仙鬱鬱冠蓋宅追齊易彫年能從物外賞真
是區中賢仍聞載後乘籠燭照嬋娟

次韻答晁旣咎見贈

翕翕一日炎耿耿萬年永四海仰首觀頃復歸根靜時
雨瀉玉除潢流漲天井性不耐衣冠入門踈造請炙餅

卧北窻保此已微幸空餘見賢心忍渴望梅嶺

次韻答張文潛惠寄

短褐不磷緇文章近楚辭未識想風采別去令人思斯
文已戰勝凱歌偃旂君行魚上冰忽復燕哺兒學省
得佳士催來費符移方觀追金玉如許遽言歸南山有
君子握蘭懷令姿但應潔齋俟勿詠無生詩

次韻子瞻贈王定國

遠志作小草龜衣生陵屯但為居移氣其實何足言名

下難為人醜好隨手翻百年炊未熟一垤蟻追奔夏日
蓬山永戎葵茂牆藩王子吐佳句如璽絲出盆風姿極
灑落雲氣盡壘樽屬有補袞章日當寵頰煩鄙夫無他
能上車問寒溫惟思窮山上抱犢長兒孫

送范德孺知慶州

乃翁知國如知兵塞垣草木識威名敵人開戶玩處女
掩耳不及驚雷霆平生端有活國計百不一試薤九京
阿兄兩持慶州節十年麒麟地上行潭潭大度如卧虎

邊人耕桑長兒女折衝千里雖有餘論道經邦政要渠
妙年出補父兄處公自才力應時須春風旂擁萬夫
幕下諸將思草枯智名勇功不入眼可用折箠笞羌人

題王黃州墨跡後

掘地與斷木智不如機舂聖人懷餘巧故為萬物宗世
有斲泥手或不持郢工往時王黃州謀國極匪躬朝聞
不及夕百壬避其鋒九鼎安磐石一身轉秋蓬浮雲當
日月白髮照秋空諸君發蒙耳汲直與臣同

次韻劉景文登鄴王臺見思

黃濁歸大壑，漣漪遠重城。
西風一橫笛，金氣與高明。
歸鴉度晚景，落鴈帶邊聲。
平生知音處，別離空復情。

其二

舊時劉子政，憔悴鄴王城。
把筆已頭白，見書猶眼明。
平原秋樹色，沙麓暮鐘聲。
歸鴈南飛盡，無因寄此情。

其三

繫匏兩相憶，極目十餘城。
積潦千斗極，山河皆夜明白。

壁按劍起朱弦流水聲
每逢四時爾木石了無情

其四

公詩如美色未嫁已傾城
嫁作蕩子婦寒饑泣到明
絲琴蛛網遍絃絕不成聲
想見鷓夷子江湖萬里情

次韻子瞻和子由觀韓幹馬
因論伯時畫天馬于闐花
驄八尺看雲不受絡頭絲
西河驄作蒲萄錦雙瞳夾
鏡耳卓錐長楸落日試天
步知有四極無由馳電行
山立氣深穩可耐珠韉白
玉羈李侯一顧歎絕足

領畧古法生新奇一日真龍入圖畫在垆羣雄望風雌
曹霸弟子沙苑丞喜作肥馬人笑之李侯論幹獨不爾
妙畫骨相遺毛皮翰林評書乃如此賤肥貴瘦渠未知
况我平生賞神俊僧中云是道林師

奉同子瞻韻寄定國

風雲開古鏡淮海熨冰紈王孫醉短舞羅襪步微澗老
驥心雖在白鷗盟已寒斯人氣金玉視世一鼠肝南歸
脫蟲蠱入對隨孔鸞忍以口語去鼓船下驚湍牧身薄

冰釋置枕泰山安后土花藥麗海門天水寬伐木思我
友知人良獨難遙憐鬚髮綠猶復耐悲歡

謝黃從善司業寄惠山泉

錫谷寒泉槌石俱并得新詩躉尾書急呼烹鼎供茗事
晴江急雨看跳珠是功與世滌羶膩令我屢空常晏如
安得左攜清潁尾風鑪煮茗卧西湖

戲和文潛謝穆父松扇

猩毛束筆魚網紙松柎織扇清相似動搖懷袖風雨來

想見僧前落松子張侯哦詩松韻寒六月火雲蒸肉山
持贈小君聊一笑不須射雉穀黃門

省中烹茶懷子瞻用前韻

閣門井不落第二竟陵谷簾定誤書思公煮茗共湯鼎
蚯蚓竅生魚眼珠置身九州之上樂爭名燄中沃焚如
但恐次山習磊隗終使酒舫石魚湖

常父答詩有煎點徑須煩綠珠之句復次韻戲答
小鬟雖手巧粧梳掃地如鏡能簡書欲買娉婷供煮茗

我無一斛明月珠，知公家亦闕掃除。但有文君對相如，政當為公乞如願。作牋遠寄宮亭湖。

謝公定和二范秋懷五首邀余同作

西風一葉脫迹已，不可掃卷有白馬。生朝回焚諫草誰云事，君難是亦父子間。所要功補袞，不言能犯顏。

其二

四會有黃令，學古著勲多。白頭對紅葉，奈此搖落何。雖懷斲鼻巧，有斧且無柯。安得五十絃，奏此寒士歌。

其三

採蓮涉江湖采菊度林藪插鬢不成妍誰憐能蓬首平
生耦耕地風雨深糧莠謝公遂如此永袖絕絃手

以小團龍及半挺贈无咎并詩用前韻為戲

我持玄圭與蒼璧以暗投人渠不識城南窮巷有佳人
不索檳榔常晏食赤銅茗椀雨斑斑銀粟翻光解破顏
上有龍文下碁局擔囊贈君諾已宿此物已是元豐春
先皇聖功調玉燭晁子胷中開典禮平生自期莘與渭

故用澆君磊砢胃莫令鬢毛雪相似曲几團蒲聽煮湯
煎戟之聲繞羊腸雞蘇胡麻留渴羌不應亂我官焙香
肥如瓠蘂孕嚙乳幸君飲此勿飲酒

次韻張仲謀過酺池寺齋

十年醉錦幄醪醑照金沙歆眠春風底不去留君家是時
應門兒紫蘭茁其芽只今將弟妹嬉戲牽羊車忽書滿窻
紙整整復斜斜平生悲歡事頭緒如亂麻苟祿無補報幾
成來食嗟喜君崇名節青雲似可涯我夢江湖去釣船刺

蘆花江濱開園宅畦蔗時黎查夢驚如昨日炊玉困京華
公來或藜羹愛我不疵瑕深念煩鄉里忍窮禁貸賒夜談
簾幕冷霜月動金蛇即是桃李月春蟲語交加我亦無酒飲
一室可盤媧要公共文字朱墨勘舛差非復少年日聲名取
嫵嫵諸阮有二妙能詩定自佳何時來煮餅蟹眼試官茶

次韻秦觀過陳無已書院觀鄙書之作

陳侯大雅姿四壁不治第碌碌盆盎中見此古壘洗薄
飯不能羹牆陰老春齊惟有文字性萬古抱根柢我學

少師承坎井可窺底何因蒙賞味相享當牲醴試問求
志君文章自有體鑰鎖在靈臺渠當為君啟

題松下淵明

南渡誠草草長沙想艱難松風自度曲我琴不須彈遠
公香火社遺民文字禪雖非老翁事幽尚亦可觀客來
欲開說觴至不能言

題竹石牧牛

野次小崢嶸幽篁相依綠阿童三尺箠御此老叢棘石

君甚愛之勿遣牛礪角牛礪角尚可牛鬪殘我竹

觀伯時畫馬

儀鸞供帳饗蟲行翰林濕薪爆竹聲風簾官燭淚縱橫
木穿石槃未渠透坐窻不遨令人瘦貧馬百莖逢一豆
眼明見此五花驄徑思著鞭隨詩翁城西野桃尋小紅

聽宋宗儒摘阮歌

翰林尚書宋公子文采風流今尚爾自疑耆域是前身
囊中探丸起人死貌如千歲枯松枝落魄酒中無定止

得錢百萬送酒家一笑不問今餘幾手揮琵琶送飛鴻
促絃聒醉驚客起寒蟲催織月籠秋獨鴈叫羣天拍水
楚國羈臣放十年漢宮佳人嫁千里深閨洞房語恩怨
紫燕黃鸝韻桃李楚狂行歌驚市人漁父拏舟在葭葦
問君枯木著朱繩何能道人意中事君言此物傳數姓
玄壁庚庚有橫理閉門三月傳國工身人親見阮仲容
我有江南一丘壑安得與君醉其中曲肱聽君寫松風

戲書秦少游壁

丁令威化作遼東白鶴歸
朱顏未改故人非
微服過宋風退飛
宋父擁篲待來歸
誰饋伯牢鷄
鵠妃秦氏鳥生八九子
雅烏之兄畢逋尾
憶炊門牡烹伏雌
未肯增巢令汝棲
莫愁野雉踈家雞
但願主人印纍纍

戲和答禽語

南村北村雨一犁
新婦餉姑翁
哺兒田中啼鳥自四時
催人脫袴著新衣
著新替舊亦不惡
去年租重無袴著
次韻答斌老病起獨遊東園

萬事同一機多慮乃禪病排悶有新詩忘蹄出兔逕蓮
花生淤泥可見嗔喜性小立近幽香心與晚色靜

寄黃幾復

我居北海君南海寄鴈傳書謝不能桃李春風一杯酒
江湖夜雨十年燈持家但有四立壁治病不靳三折肱
想得讀書頭已白隔村猿哭瘴溪藤

次韻幾復和荅所寄

海南海北夢不到會合非乃人力能地褊未堪長袖舞

夜寒空對短檠燈相看鬢髮時窺鏡曾共詩書更曲肱
作箇生涯終未是故山松長到天藤

謝君擇舅分賜茶

外家新賜蒼龍壁北焙風烟天上來明日蓬山破寒月
先甘和夢聽春雷

和答元明黔南贈別

萬里相看望逆旅三聲清淚落離觴朝雲往日攀天夢
夜雨何時對榻涼急雪鵲鴿相並影驚風鴻鴈不成行

歸舟天際當回首從此頻書慰斷腸

贈黔南賈使君

綠髮將軍領百蠻橫戈得句一開顏少年圯下傳書客
老去崆峒問道山春入鶯花空自笑秋成梨棗為誰攀
何時定作風光主待得征西鼓吹還

宋楸宗寄夔州五十詩

五十清詩是碎金試交擲地有餘音方今臺閣稱多士
且傍江山好處吟

次韻黃斌老晚遊池亭

路入東園無俗駕，忽逢佳士喜同遊。
綠荷菡萏稍覺晚，黃菊拒霜殊未秋。
來客正須懸榻下，主人自愛小堂幽。
老夫多病蠻江上，頗憶平生馬少游。

次韻奉答少微紀贈

文章藻鑿隨時去，人物權衡逐勢低。
揚子墨池春草徧，武侯祠廟曉鶯啼。
書帷寂寞知音少，幕府留連要路迷。
顧我何人敢推輓，看君桃李合成谿。

次韻聞善

扶醉三竿日題詩一研埃張羅門帶雪投轄井生苔待
得成丘壠誰能把酒杯常應黃菊畔悵望白衣來

雨中登岳陽樓望君山

投荒萬死鬢毛斑生入瞿塘灩澦關未到江南先一笑
岳陽樓上對君山

新喻道中寄元明用觴字韻

中年畏病不舉酒孤負東來數百觴喚客煎茶山店遠

看人挾稻午風涼但知家裏俱無恙不用書來細作行
一百八盤攜手上至今猶夢遶羊腸

題小景扇

草色青青柳色黃桃花零落杏花香春風不解吹愁却
春日偏能惹恨長

題花光畫山水

花光寺下對雲沙欲把輕舟小釣車更著道人烟雨笠
亂峯深處是吾家

題鄭防畫夾

惠崇烟雨歸鴈坐我瀟湘洞庭欲喚扁舟歸去故人言
是丹青

伯時彭蠡春牧圖

岳陽樓上春已歸湖中鴻鴈拍波飛布帆天闊隨鳥道
石林風晚吹人衣春水初生及馬腹浮灘欲上西山麓
遙看絕嶺秀雲松上有垂蘿暗谿谷沙眠草啣性不驕
側身注目鳴相招林間瞥過星燦燦原上獨立風蕭蕭

君不見中原真種胡塵沒南行市骨何倉卒祇收力健
載征夫肯向時危辨竒骨即今貢馬西北來東西坊監
屯雲開紛然駑驥同一秣爾可不憂四蹄脫

梨花

巧解逢人笑還能亂蝶飛清風時入戶幾片落新衣

次韻清虛喜子瞻得常州

喜色侵淫動縉紳俞音下報謫仙人驚回汝水間闌夢
乞與江天自在春
卷畫初游冰欲泮浣花何處月還新

涼州不是人間曲，竹見君王按玉宸。

與黔倅張茂

靜居門巷似烏衣，文采風流衆所歸。
別乘來同二千石，化民曾寄十三徽。
寒香亭下方遺愛，吏隱堂中已息機。
暫與計司參婉畫，百城官吏借光輝。

大暑水閣聽晉卿家昭華吹笛

蘄竹能吟水底龍，玉人應在月明中。
何時為洗秋空熱，散作霜天落葉風。

題大年小景

水色烟光上下寒
忘機鷗鳥恣飛還
年來頻作江湖夢
對此身疑在故山

梅花

障羞半面依篁竹
隨意淡粧窺野塘
飄泊風塵少滋味
一枝猶傍故人香

書王氏夢錫扇

壓枝梅子大於錢
慚愧春光又一年
亭午無人初破睡

杜鵑啼在柳梢邊

題王晉卿平遠

風流子晉能吹笙小筆溪山刮眼明
相侶鴛鴦得俛暎
一川風雨斷人行

題覺海寺

鑪烟鬱鬱水沉犀木遶禪牀竹遶溪
一段秋蟬思高柳
夕陽元在竹陰西

元師自榮州來追送余於瀘之江安綿水驛因

復用舊所賦此君軒詩韻贈之并簡元師從弟周彥公

歲行辛巳建中年諸公起廢自林泉王師側聞陛下聖
抱琴欲奏南風絃孤臣蒙恩已三命望堯如日開金鏡
但憂衰疾不敢前眼見黑花耳聞磬豈如道人山繞門
開軒友此歲寒君能來作詩賞勁節家有曉事揚子雲
籀龍森森新聞舊父翁老蒼孫子秀但知戰勝得道肥
莫令無肉令人瘦是師曾中抱明月醉翁不死起自說

竹影生涼到屋椽此聲可聽不可傳

四月末天氣陡然如秋遂御袂衣游北沙亭觀

江漲

沙岸人家急報流官船解纜正夷猶震雷將雨度絕壑
遠水粘天吞釣舟甚欲去揮曲羽箏可堪更著紫茸裘
平生得意無人會浩蕩春鉏且自由

石倉歷代詩選卷一百五十二

欽定四庫全書

石倉歷代詩選卷一百五十三

明 曹學佺 編

宋詩三十

秦觀

田居四首

雞號四鄰起結束赴中原戒婦預為黍呼兒隨掩門犁
鋤帶晨景道路更笑喧宿潦濯芒縷野芳簪髻根霽色

披窻靄春空正鱗繁辛夷茂橫阜錦雉艷空園少壯欲
雲趨伶俜尚鷓蹲蟹黃金雨潤野馬從風犇村落次第
集隔塍致寒暄眷言月占好努力競晨昏

其二

入夏桑柘稠陰陰翳虛落新麥已登場餘蠶猶占箔隆
曦破曾陰霽靄收遠壑雌蜺卧淪漪鮮飈泛叢薄林深
鳥更鳴水漫魚知樂羸老厭煩歇解衣屢盤礴蔭樹濯
涼颼起行遺帶索冢婦餉初還丁男耘有託倒筒備青

錢鹽茗恐垂橐明日輸絹租鄰兒入城郭

其三

昔我蒔青秧，庶織屬梅雨。及茲欲成穗，已復頽星暑。遲
暮易昏晨，搖落多砧杵。村迥少過從，客來旋炊黍。興廢
即杖藜，未嘗先處所。褰裳涉淺瀨，矯首沒孤羽。叢祠土
鼓悲野埭，鷓鴣舞雉子。隨販夫老翁，拜巫女辛勤稼穡
事。惻愴田疇語，得穀不敢儲。催科吏旁午。

其四

嚴冬百花枯鄰曲富休暇土井時一汲柴車久停駕寥
寥場圃空跼跼烏鳶下孤榜立橫塘喧春起旁舍田家
重農隙翁媪相邀迓班坐醜酒醪一行三四謝陶盤奉
旨蓄竹筋羞雞臠飲酣爭獻酬語闕或悲吃悠悠燈火
暗刺刺風颺射客散靜柴門星蟾耿寒夜

和孫莘老題台伯斗野亭

淮海破冬仲雪霜滋不平芰荷枯折盡積水寒更清輟
棹得佳觀湖天繞朱甍信美無與共濁醪聊自傾北眺

桑梓國悠然白雲生南望占升溝滄波帶蕪城村墟翳
茅竹孤烟起晨烹簷間鳥聲落客子念當行攬衣視日
影薄陰漏微明何時復來遊春風發解榮

和遊金山

江流會揚子洶洶東南驚海門劃前開金山圜中據鼓鐘
食萬指金艘棲千柱夜庭遊月波曉觀搏香霧天清猿鳥
哀風暗魚龍怒雲物橫古今濤波閱晨暮念昔憇精廬登
臨輒忘去汲新試團月飯素羹魁芋別來星暑換寤寐經

從處忽蒙珠璧投了與雲巒遇幽光炯肝肺爽氣生庭戶
區中多滯念方外饒竒趣寄語山阿人冷然行復御

同子瞻端午日遊諸寺賦得深字

太史抱孤韻暢懷在登臨別乘載鄒枚佳晨事幽尋參
差水石瘦窈窕房櫳深清磬發踈箔妙香橫素襟復登
窳堵波環回矚欽峯雙溪貫城郭暝色帶孤禽涼飈動
爽籟薄雨生微陰塵想澹清漣牢愁洗芳斟揮筆訂往
古援毫示來今愧無刻燭敏續此金玉音

同子瞻賦遊惠山

輟棹縱幽討，籃輿入青蒼。圓頂相邀迓，旃檀燎深堂。層巒淡如洗，傑閣森欲翔。羣芳含雨滋，岫日隔林光。涓涓續清溜，靡靡傳幽香。俯仰佳覽眺，悠哉身世忘。

次韻夏侯太冲秀才

儒官飽閒散，室若僧房靜。北窻腹便便，支枕看斗柄。或時得名酒，停午猶中聖。醒來復何事，秉筆賦秋興。焉知懶是真，但覺貧非病。鐘鼎與山林，人生各天性。

泊吳興西觀音院

金刹負城闔閭然美棲止卞山直穹窿蒼水相依倚霜
檜鬱冥冥海棕鮮蕤蕤廣除庇夏陰飛棟明朝晷溪光
鳧鷖邊天色菰蒲裏緒風傳畫焚壁月窺夜禮洩雲擘
層空規荷鑑幽止舳舻烟際下鐘磬林端起聳牙戲清
深嵌崟撲空紫所遇信悠然此生如寄耳志士耻溝瀆
征夫念桑梓攬衣軒楹間嘯歌何窮已

司馬遷

子長少不羈發軔遍丘壑晚遭李陵禍憤排思遠託高
辭振幽光直筆誅隱惡馳騁數千載貫穿百家作至今
青簡上文彩炳金艘高才忽小疵難用常情度譬彼海
運鵬豈復顧繒繳區區班叔皮未易議踈畧

春日雜詠

東方有美人容華茂春粲抱影守單棲含睇理哀彈聲
意一何切所觀邈雲漢徒然事膏沐孰與徂昏旦微誠
浪自持嘉月忽復晏巧轉度虛櫺飛紅觸幽幔歲歲芳

草滋夜夜明星爛合并會有時索居焉用歎

其二

寢瘵倦文史駕言從遨嬉颺風舉遙淑規日麗清漪含
桃粲朱實杜若懷碧滋娉娉弱絮墮圍圍文魴馳明霞
廓遠矚哀禽攪離思緝草天際合孤雲川上移寬閒絕
輪鞅重復多路岐信美難久佇歸歟從所治

春日雜興

飄忽星氣徂青陽迫遲暮鳴飛各有適赤白紛無數雨

砌墮危芳風軒納飛絮褰幃香霧橫岸憤雲峯度林影
舞窗扉池光染衣履參差花鳥期躡蹬琴觴趣撫事動
幽尋感時遺近慕秣馬膏余車行行不周路

其二

結髮謝外好僂俛希前修繆挾江海志耻為升斗謀齟
歷難刻畫賤貧多費尤發軔背伊闕解駢憩邗溝丹鉛
費永晷翹葉敲深愁壁月鑒簾攏珠星絡梧楸泯泯渠
水駛霏霏花霧浮公子悵何許撫膺徒離憂

和王通叟琵琶夢

鷓鴣鳴時衆芳歇
草堂夢斷音容絕
風驚玉露不成圓
一夜芙蓉泣秋月
金紋捍面紫檀槽
曾把花前送酒舩
庾郎江令費珠璧
小斫紅牋揮兔毫
風流雲散令人瘦
忍看麴塵昏錦綬
楚水悠悠更不西
上天破鑑空依舊

次韻子由題斗野亭

滿市花風起
平堤漕水流
不堪春解手
更為晚停舟
古堞天連雁
荒祠水蔽牛
杖藜聊復爾
轉眄夕烟浮

過六合水亭懷裴博士次韻

昔同裴博士酌酒俯庭柯
晚岫潭潭碧風池瑟瑟波
蒼崖遺老沒白首故人過
轉盼成陳迹勞生可奈何

次韻答米元章

嗜好清無滓周旋粲有文
揮毫春在手岸幘海生雲
花鳥空撩我蓴鱸正屬君
惟應讀雌蜺差不愧王筠

次韻安州晚行寄傅師

投暮安州北蒼烟亂眼昏
茅茨人外路砧杵月邊村
野

水飛雲薄空林噪雀繁
幾人堪此樂逢客莫輕論

次韻子由題摘星亭

崑崙左右兩招提中起孤高雉堞西
不見燒香成宿霧
虛傳栽錦作障泥
螢流花苑飛星亂蕪滿春城綠髮齊
長憶凭欄風雨後斷虹明處海天低

次韻謝李安上惠茶

故人早歲佩飛霞故遣長須致茗芽
寒索遽收諸品玉
午甌初試一團花著書懶復追鴻漸
辨水時能效易牙

從此道山春困少黃書剩校兩三家

次韻公闢會蓬萊閣

林聲撼撼動秋風共躡丹梯上卧龍路隔西陵三兩水
門臨南鎮一千峯湖吞碧落詩爭發塔湧青冥畫幾重
非是登高能賦客可憐猿鶴自相容

辨才法師嘗以詩見寄繼聞云示寂追次其韻
遙聞隻履去翛然詩翰纔收數月前江海盡頭人滅度
亂山深處塔孤圓憶登夜閣天連雁同看秋崖月破烟

尚有衆生未成佛肯超欲界入諸禪

題閻求仁虛樂亭

長官平昔嗜林丘曾與開亭待勝遊
修竹回環扶碧瓦小池方折轉清流
春深鷓鴣催詩句夜靜蟾蜍人釣舟
只恐政成留不得縣人空此憶常遊

其二

誰構新亭近翠微似教陶令狎天機
池光引月來簷廡竹影疏風到客衣
愛酒有時攜玉笋無絃聊自拂金徽

人間此樂應能幾肯向良辰與物違

流觴亭并次韻

卧龍西畔北池頭水擘華堂瑟瑟流幾曲漪漣盤翠帶
一峯孤聳落蒼虬香囊近午清無汗素扇生涼爽入秋
待喚畫師來貌取圖成便是竹溪遊

遊龍瑞宮次程公韻次韻朱李二君見寄

東阡北陌坐淹時偶為高風振羽儀十丈蓮花開處遠
三年楮葉刻成遲鬢毛但速安仁老錢粟難輸曼倩饑

尚賴故人遙省憶發揮春色有新詩

睡足軒

數椽空屋俯清流一榻蕭然散百憂終日掩闔塵境謝
有時開卷古人遊鳴鳩去後滄浪晚飛雨來初菡菑秋
此處便令君睡足何須雲夢澤南州

次韻馬忠玉喜王定國還自賓州

淮海相逢一解顏紛紛歲月夢魂間初驚漁艇迷花去
忽認星槎拂斗還桂嶺暮登猿斷續槐堂春到鳥綿蠻

石渠舊議行當復未信佳時得自閒

別程公闕給事

人物風流推鎮東夕郎持節作元戎樽前倦客劉師命
月下清歌盛小叢裘敝黑貂霜正急書傳黃犬歲將窮
買舟江上辭公去回首蓬萊夢寐通

與鄧慎思沐于啟聖遇李端叔

羸兵瘦馬犯黃塵自笑區區夢裡身不是對花能伏老
自緣無酒可澆春校書天祿陪羣彥晞髮陽阿遇故人

三百六旬如此少更添香火坐逡巡

春日

春禽葉底引圓吭
臨罷黃庭日正長
滿院柳花寒日後
旋鑽新火煖爐香

早春

黃金簌簌滿垂楊
尚有春寒到畫堂
酒力漸銷歌扇怯
入簾飛雪帶梅香

首夏

節物相催各自新
癡心兒女挽留春
芳菲過盡何須恨
夏木陰陰正可人

秋日

月團新碾淪花甕
飲罷呼兒課楚詞
風定小軒無落葉
青蟲相對吐秋絲

還自廣陵

南北悠悠三十年
謝公遺埭故依然
欲論舊事無人共
卧聽鐘魚古寺邊

題柳陽古寺壁

哀歌巫女隔祠叢
饑鼠相追在壁中
北客念家渾不睡
荒山一夜雨吹風

題金華山寺壁

鸞鶴同為汗漫遊
天風吹散下滄洲
金華有路通元氣
水繞高寒不斷流

興國浴室院獨坐時兒子湛就試未出

滿城車馬沒深泥
院裏安閒總不知
兒輩未來鉤箔坐

長春花上雨如絲

題務中壁

醺頭春酒響潺潺
墟下黃翁寢正安
夢入平陽舊池館
隔花螭口吐清寒



石倉歷代詩選卷一百五十三

欽定四庫全書

集部

石倉歷代詩選卷一百五十四至七

詳校官廉吉士臣范逢恩

侍讀臣孫球覆勘

總校官進士臣朱鈺

校對官中書臣方大川

謄錄監生臣朱紱

欽定四庫全書

石倉歷代詩選卷一百五十四

明 曹學佺 編

宋詩三十一

張耒

君家誠易知曲

君家誠易知易知獨難忘
西風墻頭吹葉黃
蟲絲當戶理秋光
翠屏碧簾生朝涼
牀頭蟋蟀見焚香
絞綃碎纈

雙鳳凰上元綠鬢遮耳璫來車去馬官道傍碧雲傳情
何處郎相望玉樹啼寒螿

于湖曲

并序

蕪湖令寄示溫庭筠湖陰曲其序乃云晉王敦反屯于湖
陰帝微行至其營敦夢日遠之覺而追不及故樂府有湖
陰曲按晉地志有于湖而無湖陰本紀云敦屯于湖陰察營
壘而去余頃遊蕪湖問父老湖陰所在皆莫之知也然則
帝至于湖當為斷句乃作于湖曲以遺之使正其是非云

武昌雲旗蔽天赤夜築于湖洗鋒鏑巴滇綠駿風作蹄
去如滅沒來不嘶日圍萬里纏孤壁虜氣如霜已潛釋
蛇矛賤士識天顏玉帳髯奴落妖魄君不見銅駝陌上
塵沙起敵騎春來飲灑水浮江天馬是龍兒蹙踏揚州
開帝里王氣尚懸五百秋弄兵老漢空白頭石城戰骨
卧秋草更欲君王分上流

襄陽曲

西津折葦鳴策策蟾蜍光入芙蓉白山頭不雨賈船稀

日日門前江水窄欲將烜赫招行人旋起丹樓照長陌
銀屏深閉玉笙閒自擘新橙飲北客倏離暫合心未果
淚映雙眸為誰墮

少年行二首

駢弓鵠角蒼鵬羽金錯旗竿畫貌虎長驅直踏老上庭
手拔干將撾戰鼓歸來解甲見天子金印懸腰封萬戶
自為大漢上將軍高揖羣公佐明主

少年賣珠登主門主家千金惜一身綠鞵請罪見天子

尚得君王呼主人鬪鷄走馬長安道豪傑驅來奉談笑
漢庭碌碌公與侯畏禍憂誅先白頭

代贈

洞房飛香作春霧仙人勸酒香中語明眸第二紫雲娘
鶯學歌聲柳如舞蹙眉長歌澧有蘭銀鈎請君春草篇
繁絃高張燭燒夜玉壺未盡參在天春泥雪消淮上路
東風浪欲驚客櫓惱公舊事幾魂夢過眼相逢一風雨
黃流清洛上天漢吳山洞庭藏水府謾題詩句寄歸舟

江口風狂那得渡

白紵詞效鮑昭

搖輕裾曳長袖為楚舞千萬壽
新詞白紵聲按舊朔風捲地來
崢嶸燕雁避霜饑不鳴高堂酒
多華燈明回纒腰出素手髻墮鬢
傾釵欲溜為君歌舞君飲酒歲云暮
矣七澤空湯湯漢沔天北風玉壺之酒樂未終

片雪歌

瑤池一片孤飛雪風急身輕飛不歇
誰將翠袖遮得歸

十斛明珠換與誰
金龜貴客迎將去
玉作鞦韆載烟霧
人間不解桃李心
獨與琵琶自相語
主人白頭情不親
朱樓夜鎖梨花春
願同花落寄流水
飄出朱門隨路塵
長恐此生空已矣
從子失身輕薄子
人生但樂兩心知
誰是瓊瑤孰泥滓
鶯鶯中彈花辭樹
蝶散蜂驚春日暮
風光不斷流水長
不知片雪今何處

寒食歌

東風芳草長寒食
春茫茫人家掩門去
雞犬靜相將原

頭簇簇柳與花行人往來長歎嗟舊墳新塚累累是裂
錢燒酒何人家桑上鳴鳩喚山雨雨脚蕭蕭山日暮歸
來門巷正春寒花底殘紅落無數北里悲啼夜未休清
絃脆管起南樓古今歌哭何時盡芳草白楊春復秋去
年巧笑鞦韆女今年嫁作東家婦綵繩畫柱似當年只
有朱顏不如故百人學仙無一成麻姑不見但聞名萬
斛春醪須痛飲江邊漁父笑人醒

飛螢詞

碧梧含風夏夜清林塘五月初飛螢翠屏玉簾起涼思
一點秋心從此生方池水深溪雨積上下輝輝亂凝碧
幸因簾捲到華堂不畏人驚拂瑶席漢宮千門連萬戶
夜夜螢煌暗中度光流太液池中波影落金盤月中露
銀闕蒼蒼玉漏遲年年為爾足愁思長門怨妾不成寐
團扇美人還賦詩避暑風廊人語笑欄下撲來扇羅小
已投幽室自分明更伴殘星碧天曉君不見連昌宮殿
洛陽西破瓦頽垣今古悲荒榛腐草無人跡只有秋來

金史月二言
卷一百五十四
熠燿飛

東臯行

秋雲捲盡秋天清
東臯蕭條雞犬聲
黃葉吟風聲不平
芙蓉半落更有情
歸來僮僕羸馬疲
城頭樹暗烏欲棲
誰家朱樓人夜宿
微紅一點簾間燭

呈徐仲車

朝日照高簷
夜霜猶在瓦
纖纖牆邊柳
春色已可把
殘年能幾何
犇駛劇湍瀉
雖無功名念
衰暮亦悲吒
為嘗

飲美酒送老在杯斝子當指我途我徐策其馬

贈楊念三道字

黃鶴樓前月清輝千里寒娟娟過江北送子到長安長
安百萬家車馬無時閒中天聳觀闕四海會衣冠憐爾
薜蘿子豪華駭新觀蕭蕭囊中句饑坐奏清彈漫郎久
不愜逸詩生風翰寄聲武昌魚欲從儉父餐

贈張嘉甫

浮舟大江里三千歸掃先隴清淮孺杜門古寺厭岑寂

夢寐清頰如家山汝陰昔謬稱刺史自愧何術甦痼瘵
平生為吏甘淺拙敢作蝨賊傷民田未憂懷輒擊之去
乃欲築室買一椽簞瓢三畝易辨耳寄聲父老不汝干
長淮清冬龍蜃蟄放舟出郭天宇寬浮梁橫前嫺可纜
金塔却立儼難攀修髯幼好此竒服白壁刻珮鳴玦環
抱持微學不忍棄清明竹木遭削削三年江湖友魑魅
一日寶府觀瑜璫漸消鄙吝心自喜追計存沒涕亦潛
尋山把酒豈易得客路霰雪衣裘單塵埃可洗憂可豁

待君一勺玻璃泉

贈馬十二時全玉公檄過楚頃刻而別

我離海邊方季夏子時別我西庭下是時積雨河水深
卧看孤舟放清夜爾來忽忽冬已闌歲晚荒涼學官舍
那知復與子攜手猶能頃刻聽清話來時綠樹今黃葉
須信丹顏暗中化別離易得當重惜歲月難留足悲吒
人生坎軻多憂娛萬事紛紛少休暇况余飄泊不可常
幾度相逢即衰謝功名有命何足求富貴無常來亦乍

隨珠彈雀雖有獲，纖塵未補千金價。我於世事甘不學，
久師壁觀依僧社。辱君指我曹溪源，行雖未至寧辭駕。
君如有志返丘壑，我即求田買桑柘。卜鄰丈室聽談禪，
更問老農求學稼。

宿龜山寺下贈旻師

淮流赴海何時窮，我生飄泊西復東。山中老僧舊相見，
驚我非復舊時容。三年歷徧百憂患，遷就汲汲如飛鴻。
人生易老古所歎，如我安得顏長紅。塵埃漫滅舊題壁，

枝葉已拱當時松我方奔走師已老更念別此何時逢
眼看故舊懷抱豁宴坐不覺聽山鐘長淮月高人語絕
惟有塔鈴鳴夜風

汴上觀迎送有感

居人憐客千里來掃堂為客致酒杯夜闌再拜客辭去
尊前美人不成舞陽關三疊倒玉舩消魂此地自年年
舩頭旗竿舩尾拖南遊江海北長安長亭出郭十餘里
柳邊人家飯遊子少年此地幾經過白頭相逢可奈何

送邵郎中守同州

君不見漢家左輔百萬戶里昏夜驚厭桴鼓爾來荆棘
露霑衣只有河山閱今古邵侯風流華省郎三十憑熊
兩開府不須閉閣決田訟多屑石餅羞魚俎東南文章
舊人物莫愧蓴羹便酪乳仍煩細閱白沙龍驕驕一骨
今何所

送劉季孫赴浙東

將軍好書如邵毅文史隨舩三萬軸吟詩坐嘯士賈勇

不學虎頭飛食肉念昔先君得佳語歸見兒童詫珠玉
乖離存沒偶不死十年遇公拜還哭堂堂山西忠勇後
凜凜典刑在眉目總戎南下聊復爾勁敵強藩要頗牧
戈船水犀士扼虎三江大湖浪翻屋丈夫為將亦不惡
寂寞揚雄老天祿

惜別贈子中昆仲

寒雲崩騰不成雪北風吹窻燈半滅病來廢飲卧無眠
終夜吟詩聲不絕南城三俊坐契濶想對寒爐掉吟舌

行留一日誰有情慰我與君千里別

官閒

官閒吏歸早歲晏寒欲盛槐稀庭日多鳥下人語靜幽
花破寒色過雁驚秋聽酒賤莫辭沽北風行欲勁

病臂比已平獨挽弓無力客言君為史官何事

挽弓戲作此詩

君不見吾鄉少年曹子桓文章七子相後先有時擲筆
事弋獵邀輕截俊馳平原獵貊名弓燕代馬射雉歸來

宴清夜一聞驚倒荀令君何物書生乃知射我雖把筆
笑腐儒束腰待懸玉鹿盧自從病臂憂親友百嗜為之
心一枯降癘無名天悔禍奪之而與復完軀但慙未使
杯安肘猶負當年門掛弧便使淒涼身未伏畧聞弓馬
氣猶麤莫為早衰須袖手將軍臂折尚平吳

有感

昨日鴉作巢今日鴉哺兒念知三月闌春物行已稀晚
風颯不收殘紅怨餘姿回風起輕寒擁爐火重炊燈明

夜齋靜目澁臨書遲病齒不飲酒持杯勸妻兒豈無兒
女心惆悵桃李蹊彼昏安目前丈夫方有思

離楚夜泊高麗館寄楊克一甥

水天夕雲重不雨衣自濕夜寒更士語雞唱舟子急青
黃數宿莽蒼茫暗原隰高城亦何有倚晴我獨立

其二

客去水關閉踈燈亦復收川鳴半夜雨卧冷五更秋扁
舟已寒暑冉冉真乘桴一燈照客睡短夢良悠悠

離黃州

扁舟發孤城揮手謝送者山回地勢卷天豁江面瀉中
流望赤壁石脚挿水下昏昏烟霧嶺歷歷漁樵舍居夷
實三載鄰里通假借別之豈無情老淚為一灑篙工起
鳴鼓輕櫓健於馬聊為過江宿寂寂樊山夜

晚飯寶應

晚風吹古栢落照明空山深行得寶剎崖嶺相回環人
遠草木遂境幽魚鳥閒道人掃華堂延我具晚餐齋庖

野菊美石井新泉寒既飽陟上方浮香出林端平生麋
鹿志彊學伏車轅塵懷造勝絕欲去猶三歎

廣化遇雨

浮雲蔽高峯臺殿延晚色風聲轉谷豪雨脚射山白東
樓瞰虛明龍甲排檜栢蕭森異人境坐視動神魄撞鐘
寺門掩晚霽尚殘滴相攜下山去塵靜馬無跡歸來解
鞍歇新月如破壁但恐桃花源回舟已青壁

岡沙阻風

大江春風浪如屋客舟迎風岡沙宿連檣接拖古岸傍
岸上無人春草綠船頭日出炊烟起買魚攜菜來就市
漁人水惡不出門蕭條野市無雞豚堤邊紙錢灰若雨
醜酒賽神巫降語南人艇子不避風橫江五兩翩翩去

九月十二日入南山憇一民舍冒雨炙衣久之
石稜如刀不容步上挽垂藤下無路風寒雨滑徒旅愁
捨馬杖藜泥沒屨躋攀顛墜不容髮目眩心寒驚反顧
亦知垂堂有遺戒身仰微官欲誰愬蕭蕭茅屋映絕壁

金史卷之八十二
卷一百五十四
門外澗澗清泉注解衣就火不能煖旋捨山薪伐溪樹
山翁生未食醯醢脫粟寒蔬度朝暮人間平地固不少
何用巖嶇守磨兔秋聲四起山靄夕壞屋踈籬睡無處
披裘結束相勸歸過盡重雲下山去

道士磯

匡廬奠九江苗裔徧南服橫江蔽原野內外實一族危
磯挿江生石色擘青玉蛟龍穴亂石猱攫在喬木我行
季冬候江蹟在山腹扁舟如鏡面清淨不可觸躋攀既

無人千古長幽獨
緬想邃古初
巢居戒樵牧

淮陰阻雨

檣竿日日春風轉
渺渺孤舟數家縣
朝來雨暗隔淮村
白浪卷沙吹斷岸
渡頭楊柳濕青青
橋下涓涓野水生
滿尺白魚初受釣
斷行歸雁故能鳴
平生行止任遲速
篷底欠伸朝睡足
從來江海有前約
老去塵埃無可欲
曉天暖日生波光
桃李家家半出牆
春日春波好相待
短帆輕櫓底須忙

海州道中

孤舟夜行秋水廣秋風滿帆不搖滎荒田寂寂無人聲
三尺跳魚翻水響河邊守罾茅作屋罾頭月明人夜宿
船中客覺天未明誰家鞭牛登隴聲

其二

秋野蒼蒼秋日黃黃蒿滿田蒼耳長草蟲唧唧鳴復咽
一秋雨多水滿轍渡頭鳴春村迳斜悠悠小蝶飛豆花
逃屋無人草滿家累累秋蔓懸寒瓜

春陰泊龜山寄圓明

東風淮聲鳴萬鼓
山頂孤塔藏烟霧
一庵老宿何處峰
孤舟倦客沙邊雨
楊柳梢頭春未多
白蘋汀下正滄波
莫向春陰開病眼
風烟如此奈愁何

江城

江城寒食近風雨
作輕寒花落已可惜
春衣猶怯單畏
人成不出投老漸
無歡沽酒金明道
回頭興太闌

西華道中

我行陳許郊千里平若掌居民雜荆榛耕少地多曠野
兔乍跳奔驚鳶或高颺喬木多悲風寒澗有餘漲棘籬
蔽茅屋雞犬入村巷主人為掃榻秣馬具朝餉呼僮汲
土井敗飲堆瓦盎勿悲為生陋自足無他望嗟余走薄
官奔走年將壯長抱羈旅愁何時稅歸鞅

舟次安州孝感縣偶感寒疾卧病舟中復大風
不可解舟晚方離

船頭風聲鳴萬鼓扁舟繫纜沙邊樹船中病客晝閉篷

睡起空江日亭午雞犬蕭條數家縣市聲已變淮南語
長年三老喚不回一葉波間去如舞

發岐亭宿故鎮作

我別竟陵時楚稻如碧絲秋風發齊安稻穗如植旗流
年去荏苒客路何逶迤弛擔中林下永負山中期

其二

乘月入秋山月午山蹊靜森森松竹林夾道散踈影陰
風留暗壑白露蒙朝嶺耿耿付雞鳴坐感單衣冷

其三

征人不敢安，蓐食待明發。
朝衝石上雲，冷踏松間月。
艱難付一笑，歲月驚屢閱。
偃亞道傍松，茯苓應可掘。

宿峻極下院

天寒蒼山高，野寺在山麓。
長林繫我馬，古屋留人宿。
空巖陰風豪，達旦號古木。
平明出戶望，曉日在巖腹。
冰霜刮昏霾，萬丈森翠玉。
山行日已久，常苦見未足。
猶同贖者處，愈久歎如玉。
傳聞峻極嶺，千里如在目。
愧爾巖上

僧窮年玩幽獨

初離淮陰聞汴水已下呈七兄

朝離淮陰市春水滿川平依依道邊人送我亦有情千里積雪消布穀催春耕人家遠不見柳色烟中明輕舟鳴榔子野靜遙相應連網收撥刺嘉魚飽南烹平生晤語歡促膝睽弟兄相逢古難得白髮老易生檣烏飛更北汴柳綠相迎從今淮山夢却在鳳凰城

寒獵

十月北風燕草黃
燕人馬飽弓力彊
虎皮裁鞍鷗羽箭
射殺陰山雙白狼
青氊帳高雪不濕
擊鼓傳觴打令急
戎王半醉貂裘眠
昭君獨抱琵琶泣

臘月十八日早苦寒與家婦飲

寒夜不可旦老雞鳴苦遲
晨興出戶視風折山樹枝
最愛堂東梅冽寒亦弄姿
夜來月中影窺我讀書帷
中庭石井欄晨汲氣如炊
今日復何事環珮聯冰澌
蕞罌有芳醇庖舍具鮮肥
地爐熾新炭三酌對山妻

東園

浮雲蔽亭午白日成蕭森餘涼入坐隅
瀟灑散煩襟盃夏愛我屋秀木成佳陰
衆果漸以熟永日鳴山禽杖屨時一到
逍遙忘滯淫舉頭天雨霽落日低遙岑

獨遊東園

清曉步東園獨遊悵無侶菰蒲綠已深
鵝戲春塘雨取酒傍花傾隔林邀客語
歸來春興闌睡起日亭午

秋池

平生落莫意况此秋池側寒水靜無波衰荷萎餘碧蕭蕭動風鬢照影感新白來徃雙浴鳧爾生真自得

菊叢

下根盤秋泥上葉披宿雨惟餘黃金蘂秀色日夜吐寧須薦九日但惜歲行暮吾將屑落英持泛蘭臯露

上巳日洛岸獨遊寄陳永寧

風雩感賢遊嘉節偶乘興人稀好鳥語麥秀春野靜澄波漾清洛遊子度明鏡南山夜來雨雲日淡相映解鞍

憇高柳覽物動新詠優游徒侶歡豐熟蔬果盛官閒省
文檄俗古少諠競乘閒聊獨遊茲焉愜吾性

獨遊崇化寺題觀音院

默默苦不展駕言陟崇岡人遠塵坐息高門開寶坊華
簷敞虛殿喬木護修廊閒庭引幽步偃息得茲堂惟時
炎火衰清秋朝暮涼窗虛竹色靜風遠松聲長遙山露
雲表遠水連天光獨遊不自得遐眺有餘傷留滯感華
歲登臨思故鄉言歸日已夕月出林蒼蒼

奉先寺

荒涼城南奉先寺後宮美人棺
葬此角樓相望高起墳
草間栢下多石人秩卑焚骨
不作塚青石浮圖當丘隴
家家墳上作亭亭朱門相向
無人聲樹頭土梟作人語
月黑風悲地搖樹宮中養女
作子孫年年犢車來作主
廢后陵園官道側家破無人
掃陵域官家歲給半千錢
街頭買餅作寒食

洛水

洛水秋深碧如黛亂石縱橫瀉鳴瀨清明見底不留塵
日射澄沙動璣貝南山秋風已蕭瑟倒影上下迷空翠
何當載酒縱扁舟一尺鯉魚寒可鱸

美哉

美哉洋洋清潁尾西通天邑無千里舸舫大編起危檣
淮潁耕田汲收米芒芒陂澤帶平原古時溝澗還相連
昔人屯田戍兵處今人阡陌連丘墓今年雨足種麥多
北風吹桑鳴空柯高城回望鬱嵯峨豐年間井聞笙歌

河邊古堤多老柳去馬來船一回首百年去住不由人
歲暮天寒聊飲酒

三龕

萬穴列巖壁三龕獨雄夸封山鑿其骨開像儼且呀悲
哉輕人功不計歲月賒像成竟何補國破荒蓬麻悠悠
清伊水去去縈山斜晚渚棲暝鷗夕波戰餘霞陵谷良
未遷古今如轉車惟應千年鶴歸顧時咨嗟

題廬阜官廳壁

平生山水興今夜宿東林落日樓殿影西風鐘梵音雲
橫杉閣迴雨過虎溪深脚力猶堪在他年當重尋

題江州琵琶亭

危亭古榜名琵琶尚有楓林連荻花嗚呼司馬則已矣
行人往來皆歎嗟司馬風流映千古當日歌詞傳樂府
江山寂寞三百年潯陽風月知誰主我今單舸犯江潭
往來略已徧東南可憐千里傷春眼不待琵琶淚滿衫

讀中興頌碑

玉環妖血無人掃
漁陽馬厭長安草
潼關戰骨高於山
萬里君王蜀中老
金戈鐵馬從西來
郭公凜凜英雄才
舉頭為風偃為雨
灑掃九廟無塵埃
元功高明誰與紀
風雅不繼騷人死
水部曾中星斗文
太師筆下蛟龍字
天遣二子傳將來
高山十大磨蒼崖
誰持此碑入我室
使我一見昏眸開
百年廢興增歎慨
當年數子今安在
君不見荒涼涪水
棄不收時有遊人
打碑賣

偶書

秋陰漫漫幾千里赤壁磯前天接水連檣接柂不復行
老魚擘波時出戲黃橙紫栗收如積青錢買酒不堪惜
北人歲久厭南飡山邊有路何時還

其二

窮秋晝夜陰如一夜不見星朝蔽日枯疇已獲大野空
怒江未落連州沒長魚撥刺不受釣魚子高眠守蓬葦
紫髯舊宮誰復遊鼎峙雄心久蕭瑟

其三

周郎戰處滄江回魚龍蕩潏山石摧荊州艨艟莫舉楫
走君不勞一炬灰當年雄豪誰復在喬木荒烟忽千載
蘄州截作寸笛材一寫山川萬古哀

馬周

馬周末遇虬髯公布衣落魄來新豐一樽獨酌豈無意
俗子不解知英雄賢豪相逢自相得一語君王見曾憶
當時豈不為人言聾耳安能為君側

福昌秋日效張文昌

秋野無人秋日白禾黍登場風索索豆田黃時霜已多
桑蟲食葉留空柯小蝶翩翩晚花紫野鷄啄粟驚人起
洛陽西原君莫行秋光處處傷人情

其二

黃葉蕭蕭秋水清田中日午村雞鳴場頭九月禾黍熟
空原雉飛飽新穀棘籬蟲鳴村路曲道邊古墳生野菊
人稀田濶草茫茫洛陽秋深能斷腸

臨文

一病廢百嗜好文心未忘南窻納虛明羅列陳繡紉茫
昧考巢燧典章斷虞唐清妍進屈景雋永旌蘇張少往
不自料遇事彤文章誤逢作者歎因復力披攘蹉跎生
白髮始紬石室藏粗見漢家事濡毫時否臧文詞比工
祝不殊公卿行何用疲心精舍本棄耕桑讀賦意凌雲
律令尊張湯榮華繫遇合才技無短長頗師老氏術抱
朴和其光無營以卒歲刻意翰墨場

秋日獨酌懷榮子邕

新秋一杯酒風雨早涼天
眷言西隣友咫尺莫能前
豈無病羸馬泥滑不勝鞭
端居何為者落莫掩書眠
高柳颯已踈碧草留餘鮮
衰懷感徂節客舍悲流年
孤吟誰與和獨酌還醒然
新晴野路乾期子南山邊

春陰

春山苦多昏陰靄晝常暝
鳥鳴欲成巢冰泮魚已泳
薄寒方未已慘切有餘勁
霏霏晚雨飄黯黯夕氛凝
高鴻戢南翻布穀謹新令
班班農在田冉冉麥將盛
官閒倦

無侶覽物偶乘興無辭數攜酒溪柳黃欲映

秋興

八月禾黍熟登高望川原山河豁清霽風日開明鮮晴
光散草木餘爽厲淵泉飄飄孤飛鷗擊搏無留拳幽獨
感搖落端居驚歲年誰為知心者賴有濁醪贖

秋日晨興寄楚望

夜雨霽清曉浮雲散涼川幽人理青髮汲彼石井泉焚
香展素帙持珠諷妙言晨暉淡悠揚秋霞麗紺天萎花

開露餘孤葉零風前感此芳節晚長嘯心悠然傾觴散
滯念殮菊留華年牢落歲暮心非君誰與宣

對雪呈仲車

學堂歲暮無來客殘雪漫漫風獵獵當庭古柳三四株
老翁攜筇收殘葉二年閒散百事慵饑寒不自勤鉏鍤
囊空甌倒誰復救典衣買酒將空篋人間萬事苦難齊
以醉驅愁最竒捷丈夫未死誰能測幽憂何用同兒妾
飲酣耳熱詩興適直上虛空恣陵躡饑喉凍噤誰與解

正藉醺酣得嘯嘯少年舉白未嘗辭漸老深杯見還怯
何當共有種林田免向官壚走書帖

苦雨

春淺天尚寒雨多聲入夜幽人不出門坐惜梅花謝庭
竹未抽萌醑釀將復架芳時喜病愈淺酌供情話趨世
劇曳牛投閒如噉蔗因逢老農談悔不初學稼

不雨

齊安一春雨不足稻畦土堅不入穀城中赤日風吹沙

老鴉銜火燒竹屋百尺長繩抽井底井中泥滓多於水
潭邊龍祠懸紙錢誰令霹靂驚龍眠

喜雨

陰陽不暫駐今夕已秋風晨興絺綌冷歲月驚衰翁朝
烟爨薪濕小甲蔬畦空且復一杯酒吾生不終窮

其二

手種五芭蕉意待聽秋雨南風扇早日破葉萎不舉露
霓未終夕綠潤遽如許秀色入書幃已覺青鸞舞

喜雨止

敬亭與吾期今日雨當止靜掃峯頭雲秀色粲如喜我
慚無以酢園逕欣細屨夜來四簷聲添我北池水破圩
久不補積潦齧其址南人麥禾薄稻隴魚尾尾豐穰未
敢望疲餓何由起飽食但高眠自慚稱刺史

春旱

大野拱連山晴空轉矧日青春散塊莽積水中蕩滴欣
欣見羣動咄咄爭湧出滯留無好懷風景獨蕭瑟離羣

與誰語塊坐守蓬萊
卮酒樂餘春沉憂畏生疾

其二

風雲閒益高旱色起諸嶺
施生澤未渥曉氣挾餘冷
飛沙礮桃李碧草思耿耿
麥根不走地稻壟卧陳梗
蛟龍且偷安雷電勢欲逞
憫農非我事剛復念閭井

次韻錢大尹公庭種菊

人才因齊量能尺不能咫
誰如錢京兆獄訟間書史
平明吏擁堂過午掃階屺
風威變姦傲應若度淮
枳清秋

動高興庭菊粲可喜栽培豈無情收拾自棄委客來擷
芳秀歲晏聊爾耳新涼一尊酒九日意在彼何必殞落
英離憂對蘭芷

庭菊

窮秋慘無姿所向盡枯槁可憐中庭菊灼灼顏色好豈
無風霜苦所守良自保清商振驅除爾獨傲百草煌煌
中央色嚴麗謝浮姣山家有薄酒為爾數傾倒嘗聞仙
人術採餌庶難老呼童掃藥齋避爾寒英擣

田家

野塘積水綠可染舍南新柳齊如剪去冬雪好麥穗長
今日雨晴初擇繭東家饋黍西舍迎連臂踏歌村市晚
婦騎夫荷兒扶翁月出橋南歸路遠

聞蛩有感

遙夜飛螢動秋思獨卧空山驚晚歲可堪六月已聞蛩
日暮咿咿響庭際關河多風氣蕭索碧樹先秋早搖落
鳴機夜織常怨寒白紵吳衫苦輕薄年年促織誰最悲

堂上美人愁翠眉清砧搗練對殘月玉筋啼紅裁遠衣
唐風詩人勸其主行邁苦遲嗟歲暮山城聽汝已三年
三年白髮多於故飄飄秋夢到江湖我欲東歸繪碧鱸
安能為爾將雙淚歲歲風前沾客裾

女兒祠下

山邊白雲閒不掃山下松花龍甲老東風古栢吹暖香
廟前土馬荒春草朝霞為裳水為珮守廟千年老龍在
清風掃堂神暮還山頭月出溪潺湲

近清明二首

斜日去不馭好風來有情
江城過風雨花木近清明
水樹閒照影山禽時引聲
吾年行老矣淹泊蹇何成

冉冉春向老昏昏日復斜
鮮歡常止酒不睡更烹茶
幡起烟中剎雞鳴林外家
陳王鬪鷄道風柳不勝斜

青春

青春忽妍好半嶺麗朝陽
谷鳥喜相見園花明曉粧
閒居耽道味吟眺惜風光
叩戶有佳客悠然三舉觴

春望

暖日晴薰草清淮濶浸天地卑連遠水城廢入春田日
極風燈外愁懸雨淚邊人生苦多感花柳自年年

暮春

應接非吾事深幽興有餘筍深鳴鳥下花薄午風踈草
淺見飛雉溪清生細魚端居亦多趣不用席門車

暮春書事

冉冉春將老悠悠晝掩關鳩鳴高柳暗雨細廣庭閒塵

榻談無客風簾望有山銜泥新燕子一一及時還

其二

漠漠山雲合簷風透薄帷柳藏陰後絮櫻壓雨中枝坐
煖晨杯罷香濃午睡時薄寒猶故在再取紫貂披

其三

林花飛已久芳草雨餘長人靜槐庭午簾斜竹院涼沾
泥新笋白封蠟煮醪香莫厭殘春醉流鶯勸舉觴

暮春

夜雨輕寒拂曉晴牡丹開盡過清明庭前落絮誰家柳
葉裡新聲是處鶯白髮生來如有信青春歸去更無情
便當種林長成酒遠學陶潛過此生

正月六日

元豐七年

楊柳梢頭臘雪消東風猶著晚寒驕新年花柳傳芳信
去臘星霜變斗杓來共春烟晴冉冉灑隨疎雨淚蕭蕭
蛾眉一閉年華改縱有遺魂可得招

春日遣興

流光向老惜芳菲搔首悲歌心事違
綠野染成延晷永
亂紅吹盡放春歸
荆榛廢苑人間牧風雨空城鳥夜飛
斷送一翻桃李盡可憐桑柘有光輝

春晚有感

洛川三月鶉鳩鳴
遊絮縈空塵不驚
茸茸草色鋪風軟
點點楊花著水輕
何處浮雲度天末不妨微雨破春晴
江南有客增歸思
悵望汀洲蘋芷生

寒食贈遊客

陰陰畫幕映雕欄一縷微香寶篆殘寒食園林三月近
落花風雨五更寒箏調寶柱絃初穩酒滿金壺飲未乾
明日踏青郊外去綠楊門巷繫雕鞍

夏日

蚓壤排晴圃蝸涎印雨堦花鬚嬌帶粉樹角老封苔問
字病多忘過隣慵却迴晚涼還盥櫛對竹引清杯

其二

細徑依原僻茅蓬四五家山田來雉兔溪雨熟桑麻竹

籠晨收果茅庵夜削瓜頗知農事樂從此問生涯

夏日雜興

隔牆泉下是東陂細柳涓涓入我池一部笙簫寒竹響
百年風雨古槐姿果懸幽檻朱初熟蔓度空牆翠欲垂
野趣轉深身愈老祇應寂寞畏人知

夏日

長夏村墟風日清簷牙燕雀已生成蝶衣曬粉花枝午
蛛網添絲屋角晴落落踈簾邀月影嘈嘈虛枕納溪聲

久判兩鬢如霜雪直欲樵漁過此生

其二

黃簾翠幕斷飛蠅午影當軒睡未興枕穩海魚鑄紫石
扇涼山雪畫青繒廊陰日轉雕欄樹坐冷風生玉盃冰
滿案詩書塵蠹甚故應踈懶過炎蒸

和晁應之大暑書事

蓬門久閉謝來車畏暑尤便小閣虛青引嫩苔留鳥篆
綠垂殘葉帶蟲書寒泉出井功何有白羽邀涼計已踈

近清明二首

斜日去不馭，好風來有情。
江城過風雨，花木近清明。
水樹閒照影，山禽時引聲。
吾年行老矣，淹泊蹇何成。

冉冉春向老，昏昏日復斜。
鮮歡常止酒，不睡更烹茶。
慵起烟中刹，雞鳴林外家。
陳王鬪鷄道，風柳不勝斜。

青春

青春忽妍好，半嶺麗朝陽。
谷鳥喜相見，園花明曉粧。
閒居耽道味，吟眺惜風光。
叩戶有佳客，悠然三舉觴。

春望

暖日晴薰草清淮濶浸天地卑連遠水城廢入春田目
極風燈外愁懸雨淚邊人生苦多感花柳自年年

暮春

應接非吾事深幽興有餘笋深鳴鳥下花薄午風踈草
淺見飛雉溪清生細魚端居亦多趣不用席門車

暮春書事

冉冉春將老悠悠晝掩關鳩鳴高柳暗雨細廣庭閒塵

榻談無客風簾望有山
銜泥新燕子一一及時還

其二

漠漠山雲合簷風透薄帷
柳藏陰後絮櫻壓雨中枝坐
煖晨杯罷香濃午睡時
薄寒猶故在再取紫貂披

其三

林花飛已久芳草雨餘長
人靜槐庭午簾斜竹院涼
沾泥新笋白封蠟
煖香莫厭殘春醉流鶯勸舉觴

暮春

夜雨輕寒拂曉晴牡丹開盡過清明庭前落絮誰家柳
葉裡新聲是處鶯白髮生來如有信青春歸去更無情
便當種秫長成酒遠學陶潛過此生

正月六日

元豐七年

楊柳稍頭臘雪消東風猶著晚寒驕新年花柳傳芳信
去臘星霜變斗杓來共春烟晴冉冉灑隨疎雨淡蕭蕭
蛾眉一閉年華改縱有遺魂可得招

春日遣興

東堂歲云暮永夜有餘清月暗雁程急霜嚴雞夢驚微
明旁舍火斷續戍樓更老眼渾無睡偏聞曉雨聲

同晁郎及杲枯步遊乾明晚逾柯山歸

野水菰蒲秀荒陂薺麥長旱田留積雨荒寺掩斜陽遠
樹連雲夢羣山近武昌言歸日已夕村徑度牛羊

離宿州後寄九弟

落日村橋泣涕連東風匹馬去翩翩兩行綠樹當隋岸
一片春雲限楚天妄意致身常許國強顏得祿廢求田

幅中會作淮南叟白髮相收一釣船

久陰忽晴作詩寄秬稭時二子沿幹在陽翟鎮
想爾扁舟野岸橫久陰今日喜晴明天寒野曠北風利
雪霽江渾春水生家近凍醪時可致旅庖鳴雁足供烹
東園早作歸來計紅紫欣欣日向榮

謁告之楚出都晚泊

馬跡不在眼浪聲初拍船蒼禾荒霽澤紅樹表霜川淮
海南浮地星辰北拱天東方聊一飽楚稻不論錢

離宛丘斗門

檣烏映高柳晚泊近晴川
野日離烟樹風霜斷夕天
牛羊知別塹燈火認隣船
獨客歸何晚平蕪遠更連
孤城飛鳥外春水片帆前
蕭瑟孤征恨更深獨未眠

驅馬

駸駸驅馬去秋晚思悠哉
日暖禾黍熟霜晴鴻雁來
晚篁經雨出幽菊挽寒開
官冷無拘束尋山肯易迴

惠莊道中

山雨夜塵息林霜晨氣清
荒城餘古木破塚有新耕
風俗通秦壤川原抱洛京
憑高將馭馬指點問山名

宿東魯火店

夕陽低欲盡春淺色蕭條
暝色催歸牧炊烟向晚樵
踈星臨水際遠火隔村橋
黯黯柴門夜棲鴉對寂寥

過少室

驅車繼日未知勞翠靄嵐
光下褐袍日暖峯巒開少
室雪餘松栢近嵩高山行
歲晚風霜苦地勢西來氣
象豪

勝事笙歌紛滿目烟霞深處欲誅茅

永城道中

東行十日何所有衰草白茅梁宋陂天風官樹吹半折
欲雨野雲垂不飛十年所遇半陳迹千里獨然懷所思
他日江湖片帆去白頭青鏡久相期

春日偶題

隔壁桃花暖鬪粧好風時有過牆香滿園芳草無人種
何事春來特地長

清明船中書事二首

清明不到旅人家
乞火隣船自試茶
弄柳好風低作舞
夾船春浪細浮花

巢鳥噪處綠楊村
寒食人家盡掩門
麥隴曉風收宿潤
烟村午日漲春昏

夜來

夜來風雨掠餘春
晏起蕭條一病身
三月長安泥浩浩
懶隨車馬作遊人

十八日

寒食清明人意閒
春城士女出班班
柳黃花白樓臺外
紫翠江南數疊山

偶成

乍晴幽步踏斜陽
殘潦青苔曲徑荒
風送落花填小塹
雨催芳草上空墻

夏日池上三首

新蟬樹上空遺蛻
野雀哺雛爭小蟲
粉沾衣袖竹枝雨

香滿水亭荷葉風

落日鳴蟬夏木荒芙蓉半落柳成行
何人紈扇生新恨
亭館迎秋夜夜涼

拒霜灼灼欲破紅
夜來雨惡荒蘭叢
空庭無人日色午
但聽桐葉驚秋風

秋日即事二首

支離卧病不知秋
暑退初驚大火流
蟋蟀知時鳴近壁
銀河照夜直當樓

蕭蕭衰草傍牆生中有寒蟲白日鳴
秋物荒涼木稼熟
悠悠驅馬水邊行

昏昏

昏昏落日下墻東
厯厯晴雲送去鴻
歲晚蒼槐甘老大
盡將黃葉付秋風

正月十日雪晴

西窻融雪飄如雨
故與新春作薄寒
昨夜雁聲渾向北
夢魂隨去度關山

楚城曉望

鼓角凌虛雉堞牢
曉天如鑑絕秋毫
山川搖落霜華重
風日晴明雁字高

登乘槎亭

海天秋霧暗乘槎
風響空山浪卷沙
杳杳櫓聲何處客
一帆衝雨暗天涯

題水閣

積雨荒池水欲平
軒窗長夏有餘清
公餘一枕滄浪夢

卧聽風荷受雨聲

崇化寺

樓殿沉沉鎖夜烟
秋燈一點佛龕前
梧桐葉上三更雨
亦有愁人獨自眠

聞鴨鳴

紙窻將白燭
微明鴨鳴枝頭
一兩聲却憶去年桃李後
淮揚旅舍聽殘更

附晁補之詩

豆葉黃

蒹葭蒼豆葉黃南村不見岡北村十頃強車滿箱東西
家未上場豆葉黃野離離鼠窟之兔入畦豕母從豚兒
豕豚啼咿咿銜角復銜箕豆葉黃穀又熟翁媪衰鋪糜
粥豆葉黃葉黃不獨豆白黍堪作酒瓠大棗紅皺豆葉
黃穰穰何膻膻腰鎌獨健婦大男徃何許官家散弓刀
要汝殺賊去

漁家傲

漁家人言傲城市未曾到生理自江湖那知城市道晴
月七八船熙熙在清川但見笑相屬不省歌何曲忽然
四散歸遠處滄洲微或云後車載藏去無復在至老不
曲躬羊裘行澤中

八音歌答黃魯直

金蘭况同心莫樂新相知石田懼清霜念此百草腓絲
看煮繭吐士聽憤非語竹馬非妙齡美人恐遲暮貌繫
魯東家今君尚天涯土膏待陽瘴氣至如咄嗟革薄難

為廓士迫下流惡木無松栢心穴處螻蟻托

次韻李拒梅花

寒巖幽霧不曾開殘雪猶封宿草萋一萼故應先臘破
百花渾未覺春來慙非上苑青房比誤作唐昌碎月猜
常恨清溪照踈影橫斜還許落金杯

次韻李拒雙頭牡丹

寒食春光欲盡頭誰拋兩兩路傍毬二喬新獲銅臺怯
雙隗初臨晉帳羞月底故應相伴語風前各是一般愁

使君腹有詩千首為爾情如篆印繆

次韻李桓牡丹

天紅穠綠總教回更待清明穀雨催一朶故應偏晚出
百花渾似不曾開常誇西洛青屏簇久說南徐紫錦堆
任是無情還有意不知千里為誰來

石倉歷代詩選卷一百五十四